



სამოქალაქო ორგანიზაციების საქმიანობის საზოგადოებრივი და ეკონომიკური გარემო საქართველოში

რეზიუმე

გენადი იაშვილი

სტუ-ს პროფესორი

E-mail: genadi_iashvili@hotmail.com

დავით კლიშიაშვილი

სტუ-ს დოქტორანტი

საზოგადოებრივი და ეკონომიკური გარემო მნიშვნელოვანია სამოქალაქო ორგანიზაციების საქმიანობისა და ქვეყანაში პოლიტიკური დიალოგის მდგომარეობის შესაფასებლად. საქართველოში სამოქალაქო საზოგადოება ძირითადად გაიგივებულია არაკომერციულ, არასამთავრობო ორგანიზაციებთან და სხვა არასახელმწიფოებრივი აქტორები არ განიხილება სამოქალაქო საზოგადოების ისეთივე მნიშვნელოვან წარმომადგენლებად.

ჩვენს მიერ ჩატარებული გამოკითხვების შედეგად, იკვეთება, რომ სამოქალაქო ორგანიზაციების წარმომადგენლები ძირითადად ხელისუფლებასთან ურთიერთობის პოზიტიურ ტენდენციას მიაჩნნიან. შეიძლება ითქვას, რომ საქართველოში სამოქალაქო ორგანიზაციების საქმიანობის ზოგადი გარემო და პირობები მათი საჯარო პოლიტიკის დიალოგში მონაწილეობისთვის საერთო ჯამში ხელსაყრელია და პოზიტიური დინამიკით ხასიათდება.

მოცემულ ნაშრომში განხილულია სამოქალაქო ორგანიზაციების საქმიანობის საზოგადოებრივი და ეკონომიკური გარემო საქართველოში.

საკვანძო სიტყვები: სამოქალაქო ორგანიზაციები, ხელისუფლება, საჯარო პოლიტიკა, არაკომერციული ორგანიზაციები, არასამთავრობო სექტორი.

საზოგადოებრივი და ეკონომიკური გარემო მნიშვნელოვანია სამოქალაქო ორგანიზაციების საქმიანობისა და ქვეყანაში პოლიტიკური დიალოგის მდგომარეობის შესაფასებლად. საქართველომ განვითარების რთული გზა განვლო 1991 წელს დამოუკიდებლობის მოპოვებიდან დღემდე, რომელსაც თან ახლდა პოლიტიკური არასტაბილურობის არაერთი ტალღა, ეკონომიკური კრიზისები და 1990-იანი წლების დასაწყისის ძალადობრივი კონფლიქტები. 1995 წელს კონსტიტუციის მიღებამ ხელი შეუწყო ქვეყანაში პოლიტიკურ და ეკონომიკურ სტაბი-

ლურობას. საერთაშორისო თანამეგობრობა მხარს უჭერდა სახელმწიფო ინსტიტუტების მშენებლობისა და საბაზრო რეფორმების პროცესს, კანონის უზენაესობისა და დემოკრატიული მმართველობის პრინციპების დამკვიდრებას. ის ასევე მხარს უჭერდა ახლად გაჩენილ სამოქალაქო საზოგადოებას და მის ჩართვას პოლიტიკურ დიალოგში. [1]

2012 წელს საქართველოში შეიცვალა ხელისუფლება ხოლო 2013 წელს გაიმართა საპრეზიდენტო არჩევნები, რომლის შემდეგაც ძალაში შევიდა საკონსტიტუციო ცვლილებები და საქართველოს პოლიტიკური სისტემა საპრეზიდენტოდან გარდაიქმნა შერეულ, უფრო საპარლამენტო სისტემად, რომელშიც აღმასრულებელი ძალაუფლების ცენტრი გადავიდა მთავრობის ხელში პრემიერ-მინისტრის ხელმძღვანელობით. ეს ცვლილება მნიშვნელოვანია პოლიტიკური დიალოგის თვალსაზრისით, რადგან შედეგად პარლამენტს გაეზარდა პოლიტიკის ფორმირებასა და იმპლემენტაციაზე გავლენის ბერკეტები. სამოქალაქო საზოგადოება პოლიტიკური დიალოგის გზით მნიშვნელოვან როლს ასრულებდა ზემოხსენებულ პროცესებში. სამოქალაქო ორგანიზაციები მხარს უჭერდნენ და მონაწილეობდნენ არაერთ რეფორმაში, მოითხოვდნენ მთავრობისგან მეტ გამჭვირვალობას და ატარებდნენ წარმატებულ კამპანიებს თავისუფალი და სამართლიანი არჩევნებისათვის. [2]

ბოლო წლებში საგრძნობლად გაიზარდა საჯარო კონსულტაციები სხვადასხვა საკითხზე. თუმცა, ცალკეულ შემთხვევებში მთავრობა ჩქარობდა გადაწყვეტილების მიღებას და არ რთავდა სამოქალაქო ორგანიზაციებსა თუ საზოგადოების ფართო ფენებს გადაწყვეტილების მიღების პროცესში. საგრძნობი მიღწევების მიუხედავად, საქართველო რჩება გარდამავალ ქვეყნად. ადამიანის განვითარების ინდექსის მიხედვით საქართველო განვითარების მაღალი დო-



ნის ქვეყნების კატეგორიაში ხედება და 2012 წელს 72-ე ადგილზე იყო 187 ქვეყანას შორის. ამასთან, თუ ავიღებთ უთანასწორობის მიხედვით კორექტირებულ ადამიანის განვითარების ინდექსს, ინდექსი 15.3 პროცენტთან ვარდნას განიცდის, რაც ქვეყანაში უთანასწორობის შედარებით მაღალ დონეზე მიუთითებს. განსაკუთრებით მნიშვნელოვანია, რომ საზოგადოების სხვადასხვა ჯგუფებს – როგორებიცაა ქალები, ახალგაზრდები, ეთნიკური და სხვა უმცირესობები, შეზღუდული შესაძლებლობის მქონე პირები, მოხუცები, იძულებით ადგილმაცვადი პირები და სხვა – მიეცეთ თანაბარი წვდომა რესურსებზე. სამოქალაქო ორგანიზაციებმა მეტ-ნაკლებად შეძლეს, დაეკავებინათ აღნიშნული ნიშა და ისინი წარმოადგენენ სხვადასხვა ჯგუფების ინტერესებს.

საქართველოში სამოქალაქო საზოგადოება ძირითადად გაიგივებულია არაკომერციულ, არასამთავრობო ორგანიზაციებთან. სხვა არასახელმწიფოებრივი აქტორები (ბიზნესსოციალიზმი, პროფესიული გაერთიანებები, პროფკავშირები, რელიგიური ორგანიზაციები) არ განიხილება სამოქალაქო საზოგადოების ისეთივე მნიშვნელოვანი წარმომადგენლებად.

ჩვენს მიერ ჩატარებული გამოკითხვების შედეგად, იკვეთება, რომ სამოქალაქო ორგანიზაციების წარმომადგენლები ძირითადად ურთიერთობის პოზიტიურ ტენდენციასე მიაჩნებენ. რესპონდენტთა 49.7% ცენტრალურ ხელისუფლებასთან, ხოლო 55% ადგილობრივ ადმინისტრაციასთან „ძალზე კარგი“ და „კარგი“ ურთიერთობის შესახებ მიუთითებს. [3]

სამოქალაქო ორგანიზაციების წარმომადგენლები თანხმდებიან, რომ საზოგადოებრივი საბჭოები ეფექტიანი ინსტრუმენტია სხვადასხვა სფეროში მიმდინარე პროცესების შესახებ საზოგადოების ინფორმირებისთვის. თუმცა მათ მიაჩნიათ, რომ პოლიტიკური გადაწყვეტილებების მიღების პროცესში სამოქალაქო ჩართულობა ვერ მიიღწევა მხოლოდ საბჭოებში მიწვევით.

როგორც წესი, საბჭოები იქმნება მინისტრთან, არის მისი მრჩეველი ორგანო და საბჭოს წევრებს თავად მინისტრი ასახელებს. ჯგუფური დისკუსიის დროს გამოიკვეთა, რომ სამოქალაქო ორგანიზაციებს აწუხებთ მათი რეალური ჩართულობა გადაწყვეტილების მიღების პროცესში. ცენტრალურ და ადგილობრივ ხელისუფლებებთან თანამშრომლობის ფორმების შესახებ საუბრისას გამოკითხულთა მნიშვნელოვანი ნაწილი ასახელებს საკონსულტაციო მომსახურებას. შეიძლება ითქვას, რომ საქართველოს

სამოქალაქო ორგანიზაციების უმრავლესობასარაქვს საკმარისი ადამიანური რესურსი. გამოკითხულთა 29%-ზე ნაკლებს ეავს 25 დასაქმებულზე მეტი. ყოველ მეოთხე ორგანიზაციას არ ჰყავს მოხალისე და ყოველ მესამეს – ტრენერი. თუ ვიგულისხმებთ, რომ ტრენერები და მოხალისეები უზრუნველყოფენ ორგანიზაციის საქმიანობის გაგრძელებას, შეგვიძლია ვთქვათ, რომ ტრენერთა და, განსაკუთრებით, მოხალისეთა შეზღუდული რაოდენობა სამოქალაქო სექტორის საზოგადოებრივი წარმომადგენლობის მაჩვენებლად ვერ ჩაითვლება. აღნიშნული საკითხი ბოლო წლებში სამოქალაქო ორგანიზაციების განხილვის საგნად იქცა. 2012 წელს სამოქალაქო საზოგადოების ინსტიტუტი ღობირებდა კანონს მოხალისეობის შესახებ, რაც მოხალისეებს სამართლებრივ სტატუსს შესძენდა. შემუშავდა კანონპროექტი, განისაზღვრა მოხალისეობის სამართლებრივი ცნება, ურთიერთობა მოხალისესა და დამსაქმებელს შორის, მოხალისის უფლება-მოვალეობები, საგადასახადო შედავათები მოხალისეთა ტრანსპორტირებასა და განთავსებაზე. არსებობს მოლოდინი, რომ ამგვარი საკანონმდებლო ცვლილება ხელს შეუწყობს ორგანიზაციებს, მოიზიდონ მეტი მოხალისე და შესაბამისად, გაზარდონ საკუთარი საქმიანობის მასშტაბი და საზოგადოებრივი გავლენა და ნდობა. მნიშვნელოვან ფაქტორად ასევე დასახელდა ადამიანური რესურსების კვალიფიკაცია. გამოკითხული ორგანიზაციები ადასტურებენ შემდგომი განვითარების აუცილებლობას და მიესალმებიან ამ მიზნით ჩატარებულ ტრენინგებს. როგორც კვლევის შედეგები აჩვენებს, სამოქალაქო ორგანიზაციების წარმომადგენლები ტრენინგის კლასიკურ ფორმას ანიჭებენ უპირატესობას. [4]

ჩვენს მიერ გამოკითხული ორგანიზაციები სურვილს გამოთქვამენ, მონაწილეობა მიიღონ ელექტრონული სწავლების ტრენინგში ორგანიზაციულ განვითარებასთან დაკავშირებით და პოლიტიკის ანალიზი/მონიტორინგის თემებზე. ორგანიზაციული განვითარების საკითხებიდან რესპონდენტები დაინტერესდნენ ფინანსური მენეჯმენტის, ფინანსების მოზიდვის, სტრატეგიული დაგეგმვის, ლიდერობის, ადამიანური რესურსების (მათ შორის მოხალისეთა) მართვის, საჯარო ანგარიშვალდებულებისა და საზოგადოებასთან ურთიერთობების საკითხებით. რესპონდენტთა უმრავლესობა ასევე დაინტერესებულია, მონაწილეობა მიიღოს ტრენინგების ტრენინგში, რომელიც შეეხება სამოქალაქო საზოგადოების როლს გადაწყვეტილების მიღების პროცესში.



დასკვნა

შეჯამების სახით, შეიძლება ითქვას, რომ საქართველოში სამოქალაქო ორგანიზაციების საქმიანობის ზოგადი გარემო და პირობები მათი საჯარო პოლიტიკის დიალოგში მონაწილეობისთვის საერთო ჯამში ხელსაყრელია და პოზიტიური დინამიკით ხასიათდება. უნდა აღინიშნოს, რომ სამოქალაქო ორგანიზაციების შესა-

ძლებლობების განვითარება მნიშვნელოვანია მოიცავდეს როგორც ორგანიზაციულ, ისე ინდივიდუალურ ელემენტებს. ორგანიზაციების მხრიდან უპირატესობა ენიჭება ტრენინგების ტრადიციულ ფორმატს. მიუხედავად ამისა, ორგანიზაციების წარმომადგენლები გამოთქვამენ სურვილს, მონაწილეობა მიიღონ ორგანიზაციული განვითარების საკითხებისადმი მიძღვნილ დისტანციურ ტრენინგებშიც.

გამოყენებული ლიტერატურა:

1. ჯემა პინიოლ პუიგი – “საქართველოს სამოქალაქო საზოგადოების სიტუაციური ანალიზი”. თბილისი. 2016.
2. შორენა ღორთქიფანიძე, თამარ პატარაია – “საქართველოს სამოქალაქო ორგანიზაციების ჩართულობა საჯარო პოლიტიკის დიალოგში”. თბილისი. 2014.
3. An Introduction to the International Protection of Human Rights (A textbook). Editing by Raija Hanski and markku Suksi. Turku. 2000.
4. <http://www.civilin.org/>

THE PUBLIC AND ECONOMIC ENVIRONMENT OF THE CITY ORGANIZATIONS IN GEORGIA

GENADI IASHVILI
Professor of GTU

E-mail: genadi_iashvili@hotmail.com

DAVIT KLIMIASHVILI
doctoral candidate of GTU

Summary

Public and economic environment is important to evaluate the activities of civil organizations and the state of political dialogue in the country. Civil society in Georgia is mostly identified with non-profit and non-governmental organizations. Other non-state actors are not considered as important representatives of the civil society.

As a result of our surveys, it's clear, that the representatives of civil organizations mainly indicate the positive tendency of relations with the government. It can be said that the general environment and conditions of civil organizations in Georgia are generally beneficial for their participation in the public policy dialogue and are characterized by positive dynamics.

In this work is discussed the issues of the public and economic environment of the CSOs activities in Georgia.

Keywords: civil society, government, public policy, non-profit organizations, non-governmental organizations.